



詩緣樵說拾遺卷五



聊園老樵

臨川王珊侯詩見前詞彙一卷略錄酷相思云風壓溼  
雲江外樹漸渺渺孤帆去又斷邨抹煙迷遠渡朝來也  
瀟瀟雨晚來也瀟瀟雨 鵲影斜陽春欲暮祇悔相思  
誤但髣髴絲禪榻相辜負花落也春難住春去也人難住  
金縷曲云綠斷靡蕪路悄無人悵悵門巷翠鸚庭戶似  
道舊遊人不見迸做十分淒楚便抵死留春莫任欲買  
吳釧三百箇祇新來怕作傷心句休再展鴛鴦譜 廿  
年夢逐潮聲去歎潘郎朱顏頓改髣髴絲欲素恨殺東風  
無情物不與鶯花作主又剗地落紅無數待寄相思寄  
何處筭相思都爲嬋娟誤空徒倚淚如雨

桂平崔瑤齋經歷 瑛 瑤笙吟館詩餘一卷手鈔本也大  
都佳製割愛錄數闕壺中天紅梅云么禽嘲晰報江南  
江北小春時候幾疊彩雲堆鬢髻捧出閨風王母玉骨  
星娥冰肌神女侍左仍環右投壺齊笑羅浮羌熟春酒  
醉倒縞袂仙人絳綃換著迭把紅羅奏不必燕支偷  
注暈早喜酖顏醺透謾指桃奴羞窺杏姊凡豔羣低首  
暗香浮動師雄贏得消受前調題畫眉圖並調余鴻孫  
云水晶簾卷正朝回惹了御香歸去春暖菱花妝乍好



笑理十眉圖譜絳靨霏霞綠鬟颯雨青黛調香露遠山  
慵畫泥郎親爲描補 料得舊樣新痕濃添淡掃深淺  
分量 平取佯斂佯羞推不卻可短長如故嬰武偷窺  
鴛鴦私覷慧婢同生如繡斂新啟知君一樣神注解語  
花題天女散花圖云天門詖蕩香國氤氳彩瑤臺擁  
玉符催動花神降好把春光作弄翔鸞翥鳳有千萬金  
鈴護送笑人閒絮果蘭因盡是仙家種 結習休嗤大  
眾恁情根歡蒂多般搏控煙霏雲奉安排處儘有鴛鴦  
香夢天工妙用都半是天心珍重更難忘月姊風姨不  
惜金尊共金纜曲伏日李翰仙聚五兩大令招燕鬱姑

卷五

二

臺道暑云買醉閒銷夏好安排浮瓜沈李南皮佳話蠟  
屐鬱姑仙臺上歛暑怕蒸蘭若看近水遠山如畫生受  
披襟新涼透便不同逐熱忙無暇揮玉塵只玉謝 主

人高致真瀟灑更難得風流太守元戎儒雅 金鶴壽太  
守唐海樵

軍門

在座豪飲雄談鳴長劍滿坐風生叱咤歎世局江河日

下聽到濃陰蟬鳴咽似嘲儂不是憂時者天可問酒頻  
把齊天樂春暮有懷云欺人客夢尋無著分明眼前心  
裏春雨杏 平花曉風楊柳風雨反增顛顛思量恁地甚  
紅豆新歡黃衫舊事輸卻韶華二分好景減將二 誰  
憐文園病客把江波澣筆剷除愁淚軟語深宵知音密



席事事豈皆如意儘情游戲便寫入詩筒連心都寄何  
待歸來舊盟堅鏃臂減蘭卽事云花香鳥語最好鶯儻  
和燕侶醋醋嬉春偏遇封姨惡主人游絲無力纏住  
行雲行不得燕是鶯非那管鶯兒罵燕兒

錢塘李實夫

若虛

海棠巢詞豪亦其猶子

璣

刊于蓬溪

官解者略錄玉燭新本意云照愁聯八陣趁更漏迢迢  
淚痕微暈無聊相對寒窗下總被心兵圍困霜濃雁叫  
憶妝閣曾煩蟬髻香炷了義甲親彈招將蘭燼于今  
人杳重泉隔只禪榻龕鐙維摩多病朦朧坐到三更後  
颯颯葉乾風緊蟲花不定此際翻宜良醞儘教伊淚瀉

卷五

三

成堆愁魔且憑洞仙歌題畫箋紫薇花

樵案自宋以來多誤紫薇爲紫

荆此作方合

云裊捻淺碧襯紫巾天際絳雪橫空最嬌麗甚

花無百日半載猶紅

樵案紫薇名百日紅

常看到白玉堂中秋霽

鳳池宮錦樣占盡風光合喚薇郎作嬌婿試麻姑指

爪不禁爬搔睡初醒頻搖鬢髻

樵案薇樹無皮怕癢非荆樹也

記一樹

垂垂小樓西伴片石玲瓏微吟花底賀新郎

元日書所見唐古

亦是歲元旦亦同中國

云篤耨熏簾罽獻辛盤酪漿如雪黃羊新

酢也學唐裝黃額闌匊葉夜珠光射爭膜拜寶蓮臺下  
梵勝家家齊插柳演吞刀吐火巫堪怕鮫綃潔當胸挂

攜將渾乳迎門灑主留賓踏歌連臂酩酊顏堪畫歸路



夕陽區脫遠疊騎雙馳塞馬夏金鐙鸞韉戲打久客司  
空渾見慣道旁人亦有消魄者紅心草醉堪藉蝶戀花  
蠻姬跳索爲戲亦絕技也云被襖湔袞江上洗碧草如茵斜視朱茸  
扇漣酪醉商消遣計紅絨縮定同超距疾似投梭雙  
足起繩影悠颺月戶圓如水笑語喧騰呼小妹牽牛更  
學雙頭戲

雨過秋生偶得賀新涼一闋題瑤笙吟館詩詞臺云願  
作才人否要多禁平秋風席帽數窮于九宦海忽焉

思投腳牛馬姑同浪走賸一卷鐙窗孤守矧值家山兵  
荒滿笑卑官怎敢憂時口沈醉去儘杯酒微吟靜拍

卷五

四

聊依舊便瑤笙吹愁不盡自家憐取雛鳳聲清音長和  
名父之兒恰有看華嶽行歸吾手公子湘琪韶齡入翰

聞將迎養漢柏唐槐堪憑弔拂瑤箋好好掀紅袖公納川祇

平此福合消受又得滿江紅一闋寄李仲壺郎中云笑

語壺公子知我今猶故我切莫訝當年意氣幾經摧挫  
學道難尋莊叟蝶追歡日舉炎州羸脫風塵爾足老聊

園予懷可陶彭澤籬邊坐陳同父湖邊過是生中如

此早安排妥縮地會欣良友聚憂天見覺前人左算勞  
勞花甲且平頭君應賀仲壺適寄還緋桃帶雪圖題首

百餘字雋語深憂畢露腕下愛歎莫已又卽前調前韻



成一闕云妙想天開得懸解何分人我試看取新葩爭  
豔被寒威挫驀記頤園枝啣雀陡添離緒山環羸儻移  
教平柳絮助桃天天應可圖一幅陪花坐時歷久如

泡過早宮緋烘染淡濃勻妥幸許談心茅屋底好借讀

畫蓉城左讓明春游屐踏豐臺蜂蝶賀瑤老惠物二種

各製長調奉謝傾杯樂謝女兒酒云似飲醇醪令人心醉有

如此老矧剛值蓮塘水活瓜棚涼葛葛衫風小一尊誰

更澆喉燥白衣籬外錯疑雷酒人到看攜鴟入饒口欣

然失笑家釀就女兒名好恰配遣花雕封貯巧怎分

惠肯助清吟消卻憂時懷抱渾上不管沿街餓殍高軒

卷五

五

過應同快醕莫儘讓把美醞供予醉倒玉簾涼謝皮卓墊云

皮裏春秋恰取就一方警紫光浮平鋪書案上喜四角

都周分明涼沁手腕滑膩處韌直而柔搽刷盡縱有毛

焉附蠅蚋難留輕投憑他虎豹空贖鞞存安免鹿禾

同游香羊身價貴早製出幽州欣此近傍典籍與玉塵

日對金甌公試更傳去革華子復奚求

山陰胡公詩舲刊詞數卷見示割愛略錄解連環和孫

聖與閨思云柳陰篩地乍拋書試領茶壚香氣便剗卻

幾度清愁怎消得秋聲暗通瑤砌我處他邊料也是一

般情味更憐伊新病遠致了甯教著鴛幘惺忪幾回



歡醉又當筵斷酒空碎如意說獨眠花笑羈人恐人瘳  
于花比花憔悴縱寄雙魚算應有相思難寄且招尋葳  
蕤枕上夢魂子細玲瓏四犯小孤山云萬派寒流澄波  
日下青天東放江去忽青山不肯橫截江流住彭郎幾  
時欲渡又迷離小孤煙霧隱隱青山迢迢流水客夢落  
何許 漁鎧影依瓜步看輕帆卸後檣陰無數廿年征  
戰地鬼哭斜陽暮天涯旅寄空留滯漫贏得駒光如注  
暫容與舵樓底沈沈欲曙買陂塘花鬢云甚東風吹成  
蜨夢華鬢小劫如許吳淞翦取和愁冷釵股玉房籠住  
儂意苦生恨煞狂蜂亂委翩翻聚銷凝短句是螺彈千

卷五

六

鬢蟬分兩翼香國酒邊語 嗁鶯曉截翠揉紅幾度辛  
酸覆額誰與湘娥種種裁難稱千萬忍拋情緒香斷取  
密縷柔絲點點零星雨脂環細數待別換天工分調手  
段還擁豔魂處聲聲慢聽雨云高高下下斷斷連連疏  
疏渺渺密密幾陣飄來驚醒夢中孤客他時算到羈愁  
悵依稀天涯消息況更是雨瀟瀟千里寸心相憶 不  
是紗窗浙瀝也不是春宵玉階頻滴數著檐牙簾外枕  
邊咫尺郎當數聲鈴語怎偏教分明聽出玉漏盡又淒  
淒牆下蟋蟀陌上花憶別云灞橋兩岸春風愁損少年  
羈旅嶽色河聲寂寞晉雲秦雨夢回枕上雞初唱誤記



當時人語似香朝曉起料量花事綠窗朱戶 卷珠簾

寄與流鶯屬付謝卻高陽傳侶取次追歡生恐者番遲  
誤果然便有分離候野館荒郵塵土問車兒帶得愁來  
千里送他歸否花發沁園春爲雲若居士題五畝硯齋  
圖云鵲鴒寒星蟾蜍積潤一渦新瀋初暈畊雲鶴外鋤  
月鷗邊那有漁樵福分高情雅韻只算作歸田虛願最  
好是五畝寬閒抵他方州典郡 回憶吳山秋色觸一  
片離懷箇儂愁悶醒邀石友醉割雲腴說甚荒蕪三徑  
空齋月上記取硯池澄映都寫向一卷長圖杜陵垂老  
歌詠天香白秋海棠云煙麗芳叢雨貽素質牆陰一角

卷五

七

蕭楚俏影憑欄鞦身媚砌皎皎媚媚重阻瓊葩開後儘  
消得秋痕幾許鈿朵珊珊小立銀缸夜深誰語 含愁  
獨吾與汝更銷凝暮涼庭宇漫話瑤臺舊事霜華欲曙  
詠到樊亭佳處偏謝卻就吟杜工部自具幽姿別饒清  
緒海天闊處人日草堂懷宗室子惠將軍云東風吹瘳  
梅魂寒香萬本金鈴護料應留待酣春俊侶對花起舞  
錦水春風年年此地玉驄頻駐說堂成背郭綠江路熟  
是杜老吟哦處 小隊元戎賓主出郊坰悵懷嚴武行  
廚竹裏聽鷗花外倦遊都誤人日歸來分明記得當時  
舊句有雕梁春燕烏衣門巷自家來去金縷曲攜手摘



花圖爲延江生題云膩語花邊聽剛背卻阿娘私與玉  
郎肩並說到關山歸騎渺淚溼鮫綃珠迸忍不住細桃  
紅沁滿馬吳霜天色冷便脂盟說盡儂難信無人遣別  
離恨 敗蕉殘鹿憑誰問尙依稀弄憨體態慣愁情性  
縱有張郎神妙筆寫出眉痕一寸也難寫箇人方寸彈  
指罡風銷豔劫算銀屏未抵蓬山近天不管人孤另

南皮尙書香濤張公

之洞

摸魚兒鄴城懷古云控中原

北方門戶袁曹舊日疆土死胡敢齧生天子袞袞都如  
塵語誰足數強道是慕容拓拔如龍虎戰爭辛苦讓倥  
偬追歡無愁高緯消受閒歌舞 荒臺下立馬蒼茫弔

卷五

八

古一條漳水如故銀槍鐵鎖銷沈盡春草連天風雨

溫飛

聊詩鄴城風  
雨連天草

堪激楚可恨是英雄不共山川住霸才無

主賸定韻詞人賦詩公子想像留題處見蕉椰鈔本

蔣臈園銅絃詞中有沁園春二闕戲詠北方有蟲名哥  
哥者人多忽之子喜其新穎錄此云蟲爾來前爾雅重  
箋爲伊釋名想公會夫人汝爲齊女晉留重耳誰是申  
生孤竹餐薇荆蠻采藥鴻雁關河弟喚兄嗟予季似乘  
舟衛壽字字傷情 卑栖愛擇田荆應花萼樓中第幾  
聲比苦竹叢邊行兮不得秋風原上急也曾經餅怨婆  
焦婦稱姑惡蜂蟻綱常友愛弁嘈嘈處有闕于牆者慕



地心驚聒聒哥哥南北之人語音不同似蟬翼流嘶未  
登月令莎雞振羽不入幽風腹乃幡然背尤盎爾長脚  
還堪比相公馬頭上有半鞍明月聲在其中 秋來紫  
豆花叢挂紙閣蘆簾鐵馬東向壺腹藏身請君入甕瓜  
瓢作餉爲爾開籠蟋蟀窺牀斯螽動股借亂軍聲十二  
峯拋殘體任蝗穿雞啄化作沙蟲首諧聲次像形洵極  
才人之能事矣

昨浼馮協中爲作鑿馘嫁妹圖前鬼局進士牌後鬼扛  
大撲滿蓋寓名利意也崔瑤老爲製三姝媚云天桃春  
有訊念香閨詠絮海棠梅聘徙宅羌閭便嫁衣忙綫妝

卷五

九

匱忙勸蒲酒艾旗伴撲滿兩相輝映好趁良辰之子子  
歸羣魔隨媵 皓月團樂如鏡照進士門楣終南山徑  
明遠情懷更令暉心緒樂天緣分妙選乘龍休誤了三  
星快詠願遂生前羨鬼有天倫至性又題子緋桃帶雪  
圖燭影搖紅云恁地多情桃源合住仙家眷重來劉阮  
更精神瓊樹花開徧贏得寒雲一片忍凍了胡麻香飯  
酒斟綠醕鏡對朱顏詩鑿白戰 絳雪丹成塵心滌盡  
凡胎換天台高處不勝寒明月宵宵伴笑問玉皇香案  
甚崔護春風人面無言竹外悵望天涯幾回腸斷  
貴筑金公鶴籌 椿 歿又數年其庚子閏中秋前三日有



題樵聊園圖滿江紅云錦里先生灞橋上挂冠何早曾  
記得韓潭風月洋州花草清渭春光垂柳細藍田別讌  
甘棠老喜歸來倚劍解詩囊聊園好 書劍外容疎傲  
琴鶴外堪吟嘯把閒情付與孤桐瘦蓀夢裏名山細帙  
富酒邊俊侶青鐙小比衡山精舍號停雲還奢了

成都胡硯生廵道

延

梓行苾芻館詞藁四卷於西安略

錄長亭怨詠紙煤云糝香屑纖纖輕抵繡袋平裝畫屏  
嵌緊密炬燒纔翠篝薰罷起圓暈一絲縈曳輕嫋過風  
無準捻著儘相思便蕪到蔥尖不省 留燼把銅筒護  
取一寸碧茸堪引輕吹細撚記長與絳唇相近夜正冷

卷五

十

呵了還擎恁烘向熏鑪猶潤想落下餘灰還惹雙鴛微  
印玉女搖仙佩題杏花雙白燕卷子寄印伯云晶簾漾  
水繡幌攢珠舊是雙棲伊處皎潔誰憐差池堪戀玉樣  
剪刀微露謾把歸期誤總相逢不同烏衣傳侶好移伴  
楊家白鳳午夢醒時一般能賦丰姿倩誰描宛轉開襟  
紅絲一縷 應是羽仙夢汝喚去蓬山點綴瑤林珠樹  
絮語恩恩佳期翻遠負了紅窗眉嬾省識相思苦也應  
念明月雕梁無主爲報道梨雲滿地盧家人在一雙依  
舊金堂住從今不遣逐花去二郎神詠電鐙云珠胞射  
恰細雨銅街微灑漸入夜銀輝黃道正噓冷焰星橋高



挂玉女投壺看不定哆一笑神光出罇趁影底鈿車如  
織也有輕雷相亞 眞假燒從鏡底繞樞照野看睽睽  
新開巖下目應早共王戎論價鬪月欺風天不管任分  
繫迴廊芳榭願鞭起冰蚪捧到驪宮春宵閒話六州歌  
頭火輪船泛海云飄輪震響銅斗轉煙紅吳淞盡金泥  
爛碾洪濛捲天風深薄龜鼉窟噲黃霧吹陰火攀髯檻  
憑樓桶眼眞空劍矗三山向晚嵌斜日光倒漣漣又者  
邊月吐對浴兩丸同暝鮫宮眯西東 正宵當午黑洋  
近禺獠宅吼疑龍機鐵緊鋼腸縮繳雙筒走蠻工渾似  
金鵬擘翅與明祝鬪雌雄千里雲嶠雲變渤海杯窮再看  
樽桑晃耀煙臺埔簇擁深瞳指丁沽咫尺春樹蜃雲濃  
更覓青蓬天香樊山先生自出新意以龍井茶絮雞絲  
爲羹席閒索詞輒成此解云細枌銀絲輕攢翠莢松牌  
早調泉水祇配雞蘇不攪黍米那數范家風味試挑碧  
蹠又漉漉香塵繞指閒憶西泠撥乳傾酥帶些雲氣  
幾回沁脾破睡泛冰甌雉膏吹沸祇爲兩雛充膳玉肪  
嫌膩斟酌桐君食譜與竹葉鳧羹定相類好語廚娘紅  
蠶密記

硯生詞集坳樊雲門詞多闕茲略錄沁園春詠孩兒菊  
云桂子天香飄墮籬東黃英始胎正觀音竹秀白衣送



到麻姑米熟珠顛擎來左手持戈右還舉印換了持螯  
與舉杯陶公老爲梨兒檀父笑口重開 蘭香玉白庭  
階算抵得王家蠟鳳才儻賜鍾繇定能偷酒侍伊屈子  
不肯吟梅松下仙童筍根稚子眉白鬚黃汝最佳生三  
日有洗兒錢否滿徑蒼苔詠女兒酒云見卽銷魂仙人  
所居橋西一樓在餘杭酒媪膝前長大宣城琴客身畔  
句留北海徒豪東坡不飲得遇相如嫁卽休知何似似  
楊枝無力萱草忘憂 爲伊典盡鸚裘便趙壁連城未  
易求願身爲花露消郎渴疾手持箕帚掃爾春愁茗號  
佳人嚶爲美女換得五花名馬不春來夢在醉鄉深處

卷五

三

一味溫柔硯孫和韻次闋尤勝亦錄此云花面了頭刻  
畫西施金貂換來看千絲網後光浮琥珀掌珠擎處香  
泛玫瑰揀茗爲媒插花作聘嫁與東鄰麴秀才好滋味  
是隨郎別母莫任徘徊 合歡且酌雙鬢有宋嬖魚羹  
早晚陪歎恩情融洽無非是水相思盪漾總要成灰那  
似當年楊家有女滿引一杯紅繡鞵真堪笑笑麻姑手  
裏送到蓬萊

甯鄉周孟荅詩前見略錄詞如生查子云行不得哥哥  
滑滑春泥路多謝鷓鴣聲爲妾留郎住 最恨子規聲  
夜夜嗁楸樹妾正苦留郎道不如歸去金縷曲題俞景



初觀察田家鎮破賊圖云半壁東南柱猛提起當年遺  
恨紅巾割據江鎮千尋沈鐵盡如馬樓船飛渡莽灰燼  
功成一炬秋色大旗橫落日與彭楊羅李孫秦伍看姓  
氏同標舉 江山畫裏今如故好評量君家通海桃花  
深塢故壘蕭蕭蘆荻長容得兩三鷗鷺但恨少蘇髯豪  
句鐵板銅琶無恙在倩關西高唱江東去與赤壁爭千

古

崔瑤老于赴華陰之次尙以金縷曲題樵聊圍圖云塵  
網抽身久羨先生巢由高躅洪厓招手聞道河陽花栽  
滿譜入瑤琴雅奏況退食詩逋償鼓最好歸來留遺愛

卷五

三

是韓城棠芾洋州柳開綠野輕黃綬 蒼蒼微意猜詳  
透要鋪排閒雲野鶴將天補繡聘定梅花盟竹葉讓我  
聊圍消受更著作名山同壽睡足雲牀伸呵欠笑長春  
不斷花閒酒風月主輞川叟

南溪曾鏡秋

繼光

滿江紅云白壁微瑕重提起閒情一

賦緣底事淚含欲墮聲吞還吐說著雲英身未嫁鍾陵  
枉種相思樹更野棠花發薛濤墳句留處 年已過何  
由遇腸已斷無從訴問病魔作惡是誰分付沒箇來鴻  
傳近信春人恐被春愁誤算者同說夢可憐宵天涯路  
壬寅中夏爲邛州伍崧生先生

肇齡

重遊泮水之歲文



孫適又入學甚盛事也連日會垣士夫醲貲製錦演劇  
稱觴樵亦擬作一聯云作石室經師且卉餘年回思早  
宴瓊林此老洵茂才異等爲博士弟子者六十載難得  
同蹇泮藻其家有濟美賢孫同人嫌無色澤擯不用姑  
筆于此

黃郎瓊枝近詩笠爲製字玉如子因其挈眷移居爲作  
楹聯云玉人耦坐香生榻如願來歸唾散珠屬斐青書  
而跋之又聯云玉簫入世隨風絮如影同心佳月鬢下  
語本酉陽雜俎

宜賓趙

樹平

丁卯秋學政已取作優貢生鄉闈揭曉名

卷五

五

列副榜作聯自嘲云非進士居然兩榜論舉人只得半  
邊聞者絕倒

二十八年八月廿四日成都芮東山

福蝶

卒於亦園年

五十有八子挽以聯云難忘戚誼交情同歲降人閒君  
遽長眠子安久託從此花晨月夕有朋來竹下主甯再  
問園忍重遊又爲胡蝶會同人挽聯云頻歲會同儕可  
堪胡蝶滿園伊人不見長眠醒大夢矧儻豺狼在野此  
福元佳

詩笠將行製聯贈雷伶潤生云綠窗煙潤詩心活紅豆  
秋生笠澤香



十一月六日貴州金公鶴籌疾終會垣挽以聯云詢一  
介微名幸覲丁祠卽文誠公專祠賞我十篇新樂府醒六旬大

夢動知己感報公兩世續詩緣公太夫人暨公詩均見予所刻續編

伍崧生先生主講錦江書院逾三十年頃因改建學堂

別延新進退居書院側前自置宅同人往賀屬予撰聯

云石室久傳經科名宇內無同輩花時新徙宅堂構城

南此大家先生癸卯舉人丁未成進士授職編修

滿洲吏目健侯富勛仲春歿于城南又弱一个殊深人

琴之感挽以聯語云留名字冠詩緣續編我略知公末

僚中竟有斯品學得解脫後花朝幾日人誰免此羣真

裏定長與逍遙

卷五

五

成都舒韶九與予有葭莩誼未四十以時疫故挽之云

天道甯論倏焉疾據膏肓未許秦盧施妙劑人才難得

從此傳成貨殖惟看卓鄭享高名

芮次山女兄適沈氏者近歿挽之云婦德曰貞藉文史

自娛臨去猶留書扇字此寶事也子賢而孝聞訃音遽返長

號莫罄撫棺哀子字樹門以申韓學館于彭水

忠州楊建屏裕勳于其里毓秀山先冢側作慕廬繪圖

徵詩排印成帙更有清涼書畫館一十二聲之閣翼然

樓池心亭諸勝楊爲亡友周雅堂高足以繪荷名帙後



附載各聯略錄館首云子弟如培高矮樹煙波時看往  
來船詩酒可陶情惜星晷隙駒半世已從忙裏過江山  
眞入畫愛風帆沙鳥一齊都向靜中看樓外云此地有  
何奇距白鹿洞黃龍門里居者半斯樓良可眺與懷忠  
堂醉吟閣鼎足而三池上云面面有花宜小坐頭頭是  
道可閒遊是行吟樂地可隨意談天

癸卯秋闈揭曉崧生先生鄉舉重逢重陽日預宴同人  
往賀其家並補祝壽辰屬予製文更作聯云七七齡鶴  
筭長綿矧紫綵榮膺

先期奏入  
詔晉侍講銜

儘先生杖履優游退

隱城南推大老九九日鹿鳴重賦正黃花滿綻喜茲會  
冠裳濟楚笑呼門下作同年

卷五

其

新津西關外純陽祠癸卯冬重修落成縣士懸楹聯云  
點石可成金當斯際支那困窮救世神功仍驗否學仙  
猶有酒問先生岳陽飛過醉鄉風味近云何席子研往  
襄嘉會歸而述之

樵又擬呂仙祠楹帖云隻身從湘水飛來趁醉後吹笛  
于五月江城笑引清颺狂招皓魄一指向仙翁乞得願  
危時點金若恆河沙數上償國債下拯民生

劉郎文玉以貌勝弱不禁風見者憐而惜之予因其字  
子美戲贈以聯云妙與杜陵同別字將無柳永是前身



芮慶餘公子爲之書

宜賓張紹歐

鑿彥

撰武鄉侯祠楹聯云耽隱方爲經濟

人劉豫州不三顧草廬定猶高臥題詩憶滿祠堂壁杜陵叟憶萬閒廣廈逐處愁吟又工部草堂楹聯云倡亂值羯胡劇憐寄興詩中豈必盡關唐代史知音感嚴武亦欲苦吟溪畔頻來難覓草堂資

紹相又於薛濤井蓮池畔闢磚門內建屋三楹中置石刻洪度晚年道服象江西馮協中

時懋

筆也屬爲門額

曰飯清淨域楹聯曰巾服漸歸無我相江山如見莫愁家

卷五

七

山陰胡公孝博

薇元

詩詞錄前茲示花市一聯云過花

朝盡爲花忙趁十五佳辰煙暖風和正好挈榼攜壺來看花市出錦城悉成錦段約二三良友波光雲影恰宜半篙小艇共泛錦江

羅雲五言成綿龍茂道善化沈公幼嵐

秉壘

題成語一

聯於勸工局云便覺眼前生意滿須知世上苦人多可謂恰如分際蓋川人以闡闡場爲做生意也

馬蔗老言江甯莫愁湖樓上層近以曾文正公畫象並明徐中山王下層則莫愁象也程從周提督屬幕客擬聯都不愜意適有扶卍者其仙自署爲岳忠武王幕僚



李姓程幕客丁姓默禱乞聯卍遂疾書云六代鶯花供  
作王侯清淨地一湖煙雨盪開兒女古今愁

文翰臣辭書院而別賃居人贈以聯云小住爲佳是韋  
孟談經之地先生有道偕侯芭載酒而來

謝姓結廬蘇坡橋畔代人賀聯云是南渡老名家好共  
流鶯遷喬木而濃夏蔭於東坡舊遊處頻招語燕定新  
巢以永春暉

文翰臣教諭

之蕃

三十年甲辰四月十六日丑刻壽終

成都新寓樵傷之甚當撰挽聯云交公較晚知公較深  
于光明磊落中任事耐勞自許壽徵當後死勝我者名  
逾我者苦值憔悴憂傷後感時增疾頓驚惡耗到先生  
又先後得挽詩九律存拙集中

卷五

六

會垣浙江會館先賢祠樵見二聯最佳者一云橫翠寫  
吳山也同玉局多情異地詩心繫鄉樹流霞斟越甕大  
好錦城高會照人春色濫江波款署仁和吳觀禮樵案  
此公前 簡放吾川主考是聯懸于樂樓一云南渡家  
居攬賀監湖光曾是釣遊先世地西川賓館飮淞庖風  
味依然簪盍故鄉人款署存記補用道趙藩樵案趙公  
籍雲南浙當其先世從龍寄籍土斷之法不立族望之  
著無聞而鄉貫逾不可問矣



知稼樓在南關外里許成都馬雲帆

中龍

宦成返川就

個人居所築近對丞相祠堂羅雲五

湘

題聯云相知有

素我稼既同席子研

夔

題聯云四時風月三弓地半面

江城一角山樵亦勉成七言散體一首雲老胥以登木

每當插秧穫稻吾儕小飲于上農人力作于下予屢登

茲殊內媿也

紹相傍半邊街江流之南又築一室亭臺花竹掩映成

趣西北角卽餘地建樓屬爲製聯云得月小樓多水檻

波光澄舍北含煙疎篠嫩河房風景繪江南

皇太后七旬萬壽時在甲辰年十月十日 懿旨御貢

卷五

九

停宴臣民咸仰盛德而吾川大府則飭辦 皇會兩縣

官並鳴鉦諭眾門首各撰祝聯焉于是靡敢不遵除庸

劣外鉤心鬪角備極才人能事有頌揚者有感幸者聞

一以諧譚成偶語云者纔叫大作生鐙火連天成都人

總是愛體面莫只當小頑意銀錢滿地鄉壩老駭得伸

舌頭

夔開李仲壺郎中

本方

己卯舉人爲前兩江總督雨亭

尚書

宗義

次公子今春川督滿洲清弼公

錫良

禮延至

會垣任以商礦學務諸大政體本清癯用心過苦以予

三十年都門舊識公餘時過聊園避暑中秋後一日遽



染沈疴予力勸其歸九月八日登舟廿四日抵家廿九日遂不起驚悉雷傳與以大律並挽一聯云天道久難知論時會朋交此老如何可死士心同失望慨商情學務自茲愈覺爲難

成都胡星三

先煒

年七十卒於甲辰十一月九日子挽

以聯云尚記九秋杖履過蓬茅賤子園中期壽菊又弱一个風霜摧竹柏先公門下失傳薪兄久從先朝議公遊八月廿六先公冥誕九月初四子初度日兄均冠服見過老成凋謝痛如何之

成都周有堂

自貴

由行伍官至西藏游擊年未六十以

卷五

三

足疾告歸新購宅於林家巷方事經營樵爲撰數聯大門云西域一官千萬里東鄰深巷兩三家正聽事云與人無爭萬里封侯餘舊想逸我以老數椽託處勝新豐

蓋用白詩新豐折臂翁故事也

花園云好聽賣花聲風物宜人新巷陌

平添修竹影英雄退步小山林同人公賀云丈夫志在四方慕班仲升爲人萬里曾經投筆起晚歲居惟一室  
敦公子刺守富三言真覺處家賢

皇太后萬壽

小臣

亦撰聯十數第無佳者茲謹記門聯

云三十年逢國大慶萬千壽祝時小春代馬雲帆云惟臣家大母百有五齡錦里筵開三祝三多徵壽果值今



歲小春一之十日瑤池會啟七旬七度薦仙桃

陳德芸鈔示其代友贈況妓小桃聯云況是華年十五  
六小於桃葉二三分又代贈李郎金鳳聯云美譽抗銀  
鵝羸將羅繡數重吟成妙句靡顏銷石虎博得櫻桃一  
箇足了平生

馮協中言李鎔九得一漢甄欲製爲硯匠裂而三之怒  
極大叱傳實君適至笑曰予得一聯矣其詞云石匠本  
多才古硯豈容成一塊先生如不躁音若漢甄未必許  
三分李不禁失笑匠遂竄去聯蓋襲龐士元祠語也

薛濤吟詩樓有甯鄉周孟荅聯云今日門中天留得幾

卷五

三

樹枇杷春色長江檻外浪淘盡千古人物風流

盛璜書挽馮母聯云有子多才兩株仙桂通家致奠一

束生芻挽胡星三表兄云冲齡失怙我何堪念先人往

昔交遊強半凋零疇向藐孤重話舊中表親情君獨厚

勉賤子振新門第異常期待每於清夜共談心挽外舅

鄧公雨村云知我亦何深儼同張負相攸不以長貧輕

愛壻哭公難自禁詎料黔婁薄福竟無寸進慰衰顏挽

許心齋師云少歲劇疎狂賴先生訓誨周詳幸無大戾

羞函丈菲材蒙許與恨弟子遭逢躋蹬未報深恩哭寢

門



南溪溫子模諸生早逝其婦聶氏竟以身殉縣進士曾

君鏡秋

繼光

長聯挽之云爲郎話故里門楣或屬大父

行

謂洞秋同年也

歲時等橫海戈船而上或登列女傳夫壻乃

象鼻同厥之遺

盧太階張嵩時兩廣文允後歿于任其婦聶氏均以身殉

長已矣今

茲寒孟所天不天計幽耶明耶羣耶獨耶管甚梅花風

雪清愁燹道紛馳哀痛詔

上

使我憶前朝故事論生老

病死苦惟王伯輿死于殉情論智信仁勇嚴惟秦良玉

勇于蹈義悲乎哉望彼平原斯世何世有樵者漁者耕

者桑者想見張貞黃帛餘影漢家重數中興年

下

又其

丁酉自撰聯云牽牛西北迴孔雀東南飛去梧州鴛鴦

卷五

三

水不遠京華遊俠窟洞庭張樂地比桂林逍遙樓何如

爲陳少吾題楹聯云問古戰場戈船橫海問閒庭院早

燕初鶯果然小住爲佳去何將軍山林不遠有竹一頃

清風徐來有花四圍明月獨舉卻被旁人錯認謂范希

文遊讎方滋 皇太后七旬萬壽聯云天下臣民望故

都北上太行山方思王業艱難永清四海女中堯舜多

仁壽南登灞陵岸不復行朝居處于今三年願 至尊

早生聖人更踵內禪於 高宗睿皇後此三十春纂作

四朝典要俾小臣善頌壽母直邁前古之宣仁明德環

球九萬里播爲百歲歌謠



頃爲馬協中作華陽典史署聽事聯云薄宦佐銅符餘  
事精神寄花草清光來石鏡冷衙風趣寫山林蓋署後  
枕武擔山左右多竹馮公又擅繪事故也

華陽洪桐雲

錫晉

受業先朝議公門下有年以跡馳名

善賦工書同治己卯由優貢生領鄉薦官湖北知縣久  
之補宣恩巡撫于公奏其治行傳 旨嘉獎又久之調  
補黃岡未抵任甲辰春歿於宜昌乙己柩歸樵挽以聯  
云聽一曲落梅聲頓傷劇邑虛除辜負天言褒美政溯  
卅年訂蘭譜忍憶同堂共學凋零人物到先生

馮協中言其師安岳鄒紫庭舉人

宗垣

著有貞一齋文

卷五

五

集國香室詩集尤善作聯語爲資州彭節婦建坊云何  
年重結再生緣石化山頭問彭郎知否此日新頒五花  
誥曲彈陌上聽羅敷唱來遂甯雙江鎮楊定九新居落  
成云新築子雲亭小小一椽聊足蔽吾風雨同居晏嬰  
宅閒閒半畝何嫌近市囂塵魏姓新圍落成代藍某撰  
贈云君作四春亭主人但願年年好我是八洞仙小友  
且唱踏踏歌賀張姓造屋云恰好是曲江風度依然作  
煙波釣徒賀王亮廷母黃六月生日並爲子娶婦周氏  
云瑤島神仙拜黃石一卷欲將母乞長生訣道州風月  
看紅蓮十丈元爲郎開並蒂花周祠云愛蓮池畔看風



月無邊莫辜負道學先祖細柳營中稱介冑不拜更誰  
是將軍替人挽戚某云生爲誰忙實學未成家已破死  
虧君忍高堂無恙子初曉木偶戲云傀儡快登場忙煞  
他下流手腳衣冠防破綻看透爾光棍心腸

廣東有睡菜可對夢花

李墨莊使琉球記久米官之子第十歲能漢語漢文者  
稱若秀才可對同進士

福建會垣南有溫泉將軍慶霖署額曰不因人熱設想

殊佳

近鈔詩鐘分詠人物如李培生則有雁塞慘拋紅粉淚

卷五

五

昭君龍賓酣入黑甜鄉墨牀可惜大才非百里龐統好從小劫

悟三生胡蝶黃姓則有挽回蘆荻洲頭月牽船夫隔斷桃花

洞口霞布至項羽之故將馬童分一體夜器之深宮虎

子執中涓則樵戲爲之

唐斐青言東湖饒公季英敦秩喜作謎語略記如喜雨

復愁霖破孟子書句二云樂以天下憂以天下又力破

孟子書句二云二之中四之下也

又聞人都御史破左氏句一云從臺上彈人

近作數謎副榜自歎論語中人以下不可以語上也截

江奪阿斗論語其爭也君子醫氣痛方包好受謝大學三句



爲之者疾用之者舒則財恆足矣修宮室孟子使治朕

棲木蘭不用尙書郎唐詩句一紅顏棄軒冕

劉少芸言謎三皆佳一元夜奪崑崙詩句以望復關一

開門揖盜孟子句一今願竊有請也一滿漢細點唐詩句一清明

時節雨紛紛

頃見近刊謎語錄尤如人父母俱存高堂孔子主我賓

地生怕震旦孟皮孔司空魏文帝名不著唐昨日之日不可留

詩絕代佳人美而唐鼻爲中岳山從人

樵所見前則張山來之幽夢影後則今東湖饒公季英

敦秩四川開縣之桔茱瑣言皆名言雋語觸緒紛來顧

卷五

已刊行川中多有之茲由曾鏡秋交來其戊子鄉榜同

年生綦江李少海文瀾近選水月山房筆記鈔本則又

張饒後所僅觀略錄存此云倫常內有許多委曲事故

直之以理卽不可行故自古有情種而無理種情之一

字真是調和天地第一妙法富貴而尙奢侈陋矣富貴

而不知服食尤陋士人而忘掌故俗矣士人而不明理

讓尤俗爲天下奇男子不過於極庸常事盡心作去

一無遺恨而已作天下大手筆不過於極細微處一無

脫漏而已婦人無子愈妒士人無才愈忌富越有財越

貪貴越有勢越諂竹木泉石宅之四輔山水則頭面也



雞豬猫犬家之四僕兒女則耳目也戚族朋友人之四肢父母則心神也世閒山水多情迴環入妙天上煙雲過眼變化難名日午坐修竹語亦清涼雪中醉紅梅香逾溫煖松下彈琴愛濤聲之相和也柳下垂釣愛絲影之相交也竹下敲棋愛清響之同韻也花下酌酒愛幽香之同醉也人生幾何恩尚難報況於怨功尚勿立况於名善尚嬾作况於惡貴尚無與况於富喜尚不暇况於怒言必見聞者始真故耳目並居口之上行非踐履者不實故官骸咸讓足之長儉不患夫人多勤無慮夫力少存心不可不直出言不可太直作文不可不曲說

卷五

五

理不可稍曲待人不可不直處事不可太直成室不可不曲由路不可稍曲蛛花之賊也而除蚊蚋則有功蜂花之媒也而螫果實則有過功過不居其惟蝶乎金粉迷離輝光上下衣裳飛舞態度輕盈故蝶也者其花之魂而美人之影歟屋有隙而晴雨皆漏風之毒更深人有隙而指視齊來惡之歸更眾不怕人非其膽壯也不讓人非其氣盛也不怕人終不能勝人不讓人終不能上人能勝人者無不怕人能上人者無不讓人事愈怕才愈大志愈讓識愈高昔翼駒稗編錄幽夢影中語數十條謂得諸夢寐子乃親見作者人與書彌深愉快



辛巳予寓廬地僅數弓種梅四株爲盆者如其數閏七月舉作花至中秋後轉盛因浼溫江李湘石先生

汝南

繪圖綠葉紅英頗饒殊致並題左方云光緒辛巳秋八月也樵司馬偶過予墨雨山房云園中梅花大放出紙索圖以紀異予惟梅花中清品也凌霜傲雪獨冠羣芳也樵握生花之管屢躡場屋不得已檢點一官將出而仕花封百里領袖羣英殆其先兆歟爰濡丹青寫茲嘉瑞樵亦自題八絕句屬成都葉汝諧大書而加裝池焉汝諧甲午進士授庶吉士散館改知縣選山東嘉祥調繁蘭山近又調長清最要缺焉

卷五

七

甲辰五月開縣李仲壺郎中

本方

題樵緋桃帶雪圖云

今年春頤園桃花破蕊五色繽紛會有成都之行所過百嶺千峯最高處猶有積雪偶作幻想如將小園天桃移植巖谷間與六出花紅白掩映豈非天地閒奇景乎迨晤聊園見案上長卷題曰緋桃帶雪李子歎曰天下何事可稱奇乎偶發一想人亦先爲況有形之事耶小儒動震新奇蓋少見而多怪也豈真奇也哉

衡山李公杜生

子榮

詩見前昨爲樵聊園圖序云潭漲

百花舊是詩王之國山尖萬點曾聞禪伯之吟其閒有老樵焉斫桂爲薪取桐出爨半弓拓地一勺疏泉佳句



畫中王摩詰之別墅敝廬人外庖子山之小園于以利  
盤桓頤偃仰酒譜茶經聚無俗客棕鞵桐帽望若神仙  
入市忘躑居城闕隘叩楞嚴之定慧如是云云絜傲吏  
以逍遙聊復爾爾此聊園之所以名歟主人王君夙標  
雋望來禽墨妙捫蝨談豪陳壽早舉孝廉柳惲故爲公  
子春鶯院側早策羈來秋雁塔邊遽攜版去所泄韓城  
劇邑石泉瘠區割錦皆鮮治絲不亂寇盜屏迹孫侯關  
內之聲屬託投書孔靖洛陽之績而廬陵在官不辭檢  
牘昌黎行部仍樂敲詩烈烈乎有風森焉彬彬乎有文  
采焉僉擬朱輪在御龜紐洵膺酬殊庸而登上考也夫

卷五

天

何人喜脂韋我持耿介雖折腰之氣斂終強項之性成  
遂至東阿拂衣北山弭蓋無復戀棧思矣蕭育是杜陵  
男子曹對何堪劉駒乃溷陽長官童謠斯作言辭秦塞  
遄返川垣賃宅一廛聊避風雨薄田數畝聊給簞瓢早  
韭晚菘聊修魚菽之祭春鷓秋蟀聊助酬倡之娛因知  
彭澤去官何妨柳植湘東致仕自感蘭生問葛亮于成  
都桑柔蠶熟訪楊季于岷嶺芋長鳴蹲語夫清風庶幾  
同日况復手鈔五千富于竊氏之產牙籤三萬侈于樊  
重之家豈有巢由拜人馬首大呼屈宋作我衙官中興  
閒氣之篇華陽耆舊之選瓊貝有耀鱗羽不遺非所謂



砥柱橫流維持正始者乎曩有詩題金谷記撰平泉梁  
園以修竹爲名晉園以靈芝錫號詎若經營邱壑自謂  
過之遨遊里門于願足矣是以編八九閒之草屋早達  
世情繪三百里之嘉陵尤資巨手有芮君者託紀羣之  
雅高嵇阮之蹤濡墨爲圖涉筆成趣主人方槐柯覺夢  
黃葉紀時謂僕知言屬爲題識僕亦念蓬門草塞無釋  
于謝懷皋澤雉籠有流于湛詠讀右軍誓墓之文誦平  
子歸田之賦濡毫未畢寄感遙深蓋不禁過桂懷蘇遊  
吳羨願也已又芮次山李仲壺均有題跋已借作樵近  
歲詩序不複錄

卷五

五

壽序非古也故樵歲應親友之作悉不存甲辰秋季樵  
女夫洪均亮自長安寄回南溪趙質舟太瀛壽序年六

十文一首樵雅不欲效人製錦稱慶讀其文似略有合  
于我因錄諸此云閒嘗綜覽聊園詩存而知吾友樵也  
之壽且知其壽之正未有艾也夫人之壽定於天而實  
定于人人稟氣而生人必善養氣乃可以長生故夫宅  
心溫厚慈祥漸漬愷澤旁流聲教遠暨是禮所謂仁氣  
嘯歌自得聲滿天地風韻道上神峯標異是晉人所謂  
逸氣仁則能愛逸則日休愛則足以養天和而元氣可  
以長存矣休則足以養天真而精氣可以長葆矣孔子



曰仁者壽老子曰逸則壽旨哉言乎惟吾樵也足以兼之矣樵也爲吾蜀名諸生屢蹟秋闈去而侍其尊人朝議公官江右于是出三峽經楚鄂望洞庭過鄱陽窮極廬阜章江南浦西山滕王閣諸勝曰此豈不足舒吾逸氣乎旣而走皖吳航入京師與當世名公巨卿魁人杰士交時發其胸中鬱勃沈塞之氣以相唱酬而其詩乃益闓肆而不可羈勒蓋助于江山之壯湖海之大且深者侈矣謁選得陝西韓城令韓城天下佳山水處也隸色河聲俯仰卽是龍門獅嶺象山蘇山亦近在眉睫蓋先賢司馬太史公蘇屬國白太傅之遺迹猶有存者地

卷五

三

沃人文秀樵也泚此本仁心以行仁政好善嫉惡櫛垢而爬癢草薙而禽獮蓋駸駸明故令左蘿石之亞也暇則作爲歌謠爲勸爲戒行縣所憩或題詠或碑記或楹帖至今父老猶珍惜之俸滿後攝石泉調洋縣一以治韓者治之而於不肖者加嚴冀火烈知畏焉民愛戴惟恐失此仁人亦如韓洋故文與可服官處樵也戾止詩已哀然成集隱隱與洋州三十詠相遙接其度量相越去尋常俗吏遠矣哉在洋逾年奉母赴歸居聊園亦取聊以蜉蝣天地之義云爾樵也生無浮慕惟耽吟詠若性命歲久彌篤嘗考古今詩人自衛武牧犢四皓以迄



唐之邱庶子香山宋之東坡放翁 國朝之王漁洋沈  
歸愚袁簡齋類皆以壽考稱殆藉詩以行其樂神形俱  
逸因以永享大年歟予于樵也知最早而交最晚丙申  
夏捧檄過洋見則相視而笑如故舊歡亂頭麤服議論  
豪且雅會其葺屋文公故址爲書古待月臺以顏之往  
還相處幾一月別逾數載家郵見寄宋芸子采風記來  
曰爲我致前書待月臺者其性情胸次略可觀已今歲  
其女夫洪均亮大令官陝出樵也聊園詩續編相贈賡  
以續詩緣而予詩在焉續編多新樂府紀邇年蜀亂狀  
自鳴天籟婉而多諷聞者足戒藹然仁者之言讀之每

卷五

三

嗶咽不能終什均亮因屬曰予外舅父母今秋六十初  
度壽之子宜文予惟樵也之爲人固由儒而俠而官者  
藉非其配李宜人相助爲理亦烏能專治于外不紛擾  
于內以宦成而名立哉宜人自世族來歸內政井井有  
條服食斤斤有節教子女歷歷有方庭幃之奉祭祀之  
供婚姻酬酢之儀靡不秩秩有禮隨歷各任所服勤行  
儉不改儒素之舊所以贊成樵也者甚大不翅如琴之  
得瑟而益調珮之應調而益響也今偕歸聊園將平頭  
長相守以老乎然吾聞樵也之歸也有術士謂其難彌  
甲子者樵也以言多驗信之卽以爲出山行止今竟無



恙且加健也詎非其居官愛物之仁與平日胸懷之逸  
深合孔老之旨所致乎吾知樵也當亦做隨園老人之  
以詩告存歲月悠悠 聖天子方需才孔亟可復出而  
仕矣質舟乙巳二月聞病歿長安寓次

予幼而羸弱爲二人所憐稍長習詩文爲二人所喜七  
蹟秋闈未嘗一加呵譴何其幸也若弟則不遜子尤不  
才又丁人世之厄李宜人名梓字素芳溫江人家世以  
武功顯祖父諱蓉官至右江鎮總兵父諱鍾明喜事佛

宜人襁褓失蔭母氏趙吾母太恭人同懷女兄鞠育有  
成年十九歸予生子女多夭折存一子不喜書致官湖

卷五

三


北巡檢一女幸得所天甲辰九月一日宜人適年周甲  
女夫洪均亮屬芮慶餘公子爲繪一圖雲樹中露海屋  
其下一槎麻姑乘之槎頭立丹頂鶴中列酒甕花籃又  
下一橋南極翁跨鹿過一童控前一童後持杖立鹿右  
又後四童肩一巨桃神氣如生似不食煙火人作故友  
文翰丞題其上方云泰山巍巍眾山之王毫端神妙子  
焉摹狀維丈人峯見壽者相坤靈蟠結乾健同量時惟  
秋深天清地亢南極星高東籬花放鄜陽幾枝綬山一  
盜卓哉是翁騷壇名將其神豐鑠其志高尚匪藏爾弓  
騎驢湖上匪據爾鞍策馬天仗鉅險无虞小奚捧杖矧



惟仙子浮槎盪漾郝氏芳型柳家新樣鶴般玉立比潔  
還當厥惟詩史是儷是伉設帳懸弧同占金旺華封三  
祝岱宗再望杯進南山合斟菊釀日升月恆永荷靈貺

卷五

三



新山宗再望... 南山合斟... 日升月恆... 永荷靈貺...  
新山宗再望... 南山合斟... 日升月恆... 永荷靈貺...  
新山宗再望... 南山合斟... 日升月恆... 永荷靈貺...



詩緣樵說拾遺卷六

聊園老樵

巴縣王化棠

文溥

室其同里周清如女史善繪知詩名

穆貞

爲樵作聊園歸隱圖並題右方云先生歸隱謝塵

氛錦里幽居接子雲有酒盈尊供嘯傲著書滿案澤

袞

先生以所著聊園詩存及樵說詩緣等書持贈貞讀至更深不忍釋手沾澤實多

青松獨抱

孤貞志黃菊尤看晚節芬漆得門前栽五柳故園春色

正欣欣

用成句

又別爲作緋桃帶雪圖有月及玉燕二並

題左方云巖雪彌天晚尙霏桃花冒染色添緋冰輪三

五中間滿玉剪一雙高下飛

此句用時大本先生語

任是春深難

卷六

一

解凍不妨隱臥待餘暉會看雲霧行開霽依舊光明護

紫微二幅書均作八分體洵閨妙才也

成都幹立堂

勳

官至督標右營游擊加總兵銜其繼室

同里朱麗彬夫人

蓮清

有吟秋集詩草公子

家珍

過示

略錄題貞婦馬孫氏事蹟後二首之一云怕聽人閒未

了緣山飛海立劇堪憐旋聞雁唳悲孤影不許鸞膠續

斷絃精衛難填惟恨海媧皇莫補是情天婦無再醮卿

同我贏得堅貞錦里傳遺懷云一門孱弱強支持且喜

精神健不疲家政理餘無箇事閒教小女學吟詩采蓮

曲云若邪溪口夕陽斜一路歌聲笑語譁出水汗泥渾



不染六郎那得比蓮花

朱夫人有女公子五長名

瓊蓉

幼慧耽吟有瀟湘閣詩

草略錄秋夜憶香琳娟如諸女史云一年容易又經秋  
刻燭攤箋自唱酬與病同緣惟有夢此心無寄只含愁  
杜鵑盡是離人血萱草難忘阿母憂回憶幼時諸姊妹  
近來月夜可登樓句踐云臥薪嘗膽復興戎霸業全憑  
越女功縱是謀臣輸一著事人以色豈英雄春寒云淡  
雲微雨養花天嫋嫋東風最可憐何事海棠春睡早惹  
教楊柳日三眠薛濤吟詩樓三首之一云庭梧分詠露  
才華葉送枝迎句總差底事飄零符讖語教人無意弔  
枇杷女史書倣率更有臨帖句云漢魏晉唐都不學深  
閨搦管學歐陽又其梨花月一聯云若有人兮春帶雨  
斷無愁處夢如雲殊超雋

周青如女史有秋香撫瑟圖自題一絕句邛州伍崧生

先生女公子德清女史

寶聰

次韻云詩中有畫好規摩

秋卉流香淡若何一卷丹青纔脫手繡餘人倦遣懷多  
阿堵神來靜揣摩廣寒清影復如何花前醉倚雲和瑟  
風韻天然寫意多濯錦花箋手自摩寫生妙筆祖何何  
莫嗟晚菊同人瘦但祝秋風折桂多自慙譎陋強研摩  
名畫應難學范何浣誦掃眉才子韻菖蒲拜竹下風多



四作語殊清妙足爲題畫諸閨秀壓卷

頃幹

瓊蓉

閨秀見贈二律云名場夢醒宦情閒一部聊

圍手自刪公早求珠同象罔人誰泣玉向荆山歸飛倦  
翩翔千仞炳蔚奇文見一斑深感年年承卷帖空餘仰  
止渺躋攀先生解組賦歸田靖節高風尙儼然竟許心  
情逮閨秀都教翰墨締詩緣學吟慙刻三年楮摘豔欣  
逢萬選錢從此繡幃添韻事浣餘薇露讀瑤編

傅玉蓀遊少陵草堂見一垂髫女郎題詩于壁末署綺  
香詩云玉梅花落點輕湍雲影波光陣陣寒爲愛暗香  
吹不斷迎風人正倚闌干小綴釵頭絳蕊斜因風吹落

卷六

三

散紅霞魚兒似解憐人面爭唼兒家髻畔花又題浣花  
夫人祠云小立臨風有所思喃喃私屬女郎知閒來若  
把梅花訪去約西鄰杜十姨靚妝何媿洗夫人一代紅  
顏映水濱善戲謔兮休記取兒家生長是鄉親又草堂  
風景殊佳此閒寂寂一龕未免冷落豈紅粉佳人果遜  
于白頭詞客耶再題一絕云堂前郁郁嬌含雨牆外蕭  
蕭綠過雲如此梅花如此竹美人名士要平分

宜賓張

寶慧

女史父夢益蘭而生故字夢蘭以賢孝爲

二人愛憐年甫十八瘵歿父紹歐詩人傷之出示遺詩  
曰芊香亭集屬爲小序將梓行藉慰泉下茲略錄詠櫻



云湘纍沈汨羅千載爲悲痛龍舟弔棲魄長年恣戲弄  
靈均豈眞餒煩爾投香糗古俗沿至今斯製亦清供包

裹費綠翦烹煮需圓羹一笑五日來家家例相送雪二

首錄云相賞興未已灑空影逾繁幽叢竹盡折相將倚

庭軒凍雀拳一足忍飢不聞喧入夜何蕭條略有明月

痕寥寥天宇寂無處容塵根快雪明當晴早看扶桑瞰

池上看新柳云東風幾時至綠徧池上柳眉黛曉煙餘

腰支晚風後看蝶意忘倦聽鶯坐偏久亭外無人來蒼

苔釣磯厚夏日云未覺炎天苦南風亦可嘉琴邊泉韻

遠棋外日光斜林靜竹生粉水香荷卸花中庭閒獨立

卷六

四

忙煞是歸鴉家住云家住錦江隈前山翠幾堆鶴巢雲

樹合鷗路水亭開垂釣風初定移花雨恰來誰人弄橫

笛聲調最清哀春柳云東風撩亂思悠悠綠柳低垂滿

陌頭眉短也知增別恨腰纖纔欲舞風流半隄春水初

勝權十里新煙怕上樓何事多情偏自苦千絲萬縷箱

離愁古鏡云沈埋寶鑑絕堪憐磨洗塵沙樣宛然千載

麗魂秦殿曉一輪古月漢宮圓清光拂拭爭題句舊篆

模糊莫認年歷過紅羊知幾劫照來多少好嬋娟讀老

子二絕云至道豈能說虛空卽文字我疑五千言亦非

苦縣意清淨固道妙胸中竟何有泯然大化存雌亦奚



足守七夕云瓜果紛紛列小庭銀河渺渺暮天青卷簾  
笑倚屏風問誰是河邊織女星紙鎮云古朴形模塞且  
溫隨人鎮壓靜無言好書一段留再讀防著有時風亂  
翻雨後夜坐云靜坐閒階草色新闌干如拭淨無塵小  
庭深夜有佳趣春雨一簾花沁人又句如葛衣微雨後  
紈扇晚涼中雨聲涼葉外月色老松閒泉聲風定後山  
態雪晴初簾靜畫無影簞涼秋有情藤扶林影直花壓  
藥闌偏靜影雀拳竹喧聲蜂散衙春草云無邊春色連  
天起不盡離愁滿地來紅葉云粉本丹青秋更遠文章  
衰豔老來多新月云照來珠箔了無影挂向玉關初有  
痕花幔云何妨香氣從空度但乞繁英爲久開清雋超  
脫都非笄年閨秀所易辦

卷六

五

翠微山房詩集前吾川知縣山陰胡公伯康

壽昌

室其

同里湯篠卿女史

岫

著歿年四十有二哲嗣孝博進士

薇元

繼補西昌知縣爲刊行世略錄佛手柑云不是仙

人掌如何著手香頂從摩後記指愛豎時長鷲嶺拈花  
笑龍潭掬月涼前身金粟證仙桂共芬芳示延祥延恩  
云祖宗興起業艱難孺子何容卽宴安汝繼書香承燕  
翼我甘辛苦試熊丸居家有志傳青簡立國無人謗素  
餐富貴功名身外事要成忠孝與親看紙寫云潑墨塗



朱采羽鮮此君骨力受拘牽借他玉版三張紙飛上青  
雲一綫天奮袖倉皇追日父輕衫矯旒御風仙等閒李  
業么磨技贏得千秋宮戲傳蛙鼓云閣閣晴喧兩部蛙  
菱波綠漲楚天賒官私未辨林園問鼓吹纔翻水調搥  
涼夢攪醒孤客館繁音催放長官衙殘更應緩鳴鼃報  
也向池塘擊浪花諫果得甘字云此果何名諫由來苦後  
甘種傳江以北樹在嶺之南佳味誰先覺貞心爾獨諳  
霜威添愈烈風骨老猶酣趣向牙尖領功從舌本參圖  
圖香赤棗酸澀笑黃柑歷口多餘馥名軒助美談邪蒿  
終抱媿佞章亦懷慙松許批鱗共葵應向日就真情何

卷六

六

處得直道此中探逆耳須追聽于心則戒貪嘉名標櫬  
櫬清品入詩龕集中如春秋閨各八首韻限谿西雞齊  
嘯八句中隱酒名鳥名美人名曲名官名地名藥名花  
名又人影春遊各一首每句隱一曲名均甚妥帖未能  
備錄

熊耳山在青神蓋夷地也湯太宜人有詩云聿翠雙峯  
矗碧空陰霾滿日走腥風地多異類難稱福山少生機  
卽號童飛瀑千尋長挂白蠻妝一隊競披紅若非親歷  
侏離國那信殊方迥不同

馬蔗老出示瘦紅集一卷爲伴月居士長安雷蘭舫女



史近著女史適鄖陽駱公懿臣官吾川知縣者略錄集中作如畫魚云曾過嚴陵百尺臺斷竿猶自隱蒿萊而今水墨屏風裏可有人能釣得來趙飛燕云誰家燕燕尾涎涎樵案下二字音宜作去此借平飛入深宮獨見憐俏語呢喃渾不解龍孫啄盡老龍眠管夫人云丹青故意寫談諧寄語郎君莫浪猜不是生來好嬉子何因顛倒北都來桃葉云楊柳渡頭人渡江渡江別意付蘭汀問儂何待郎來接槳打中流是一雙

成都郭女史

浣秋

樹屏訓導

建藩

長女价侯知縣猶女

也頃乃翁代示其讀也樵先生詩勉作三十韻云憶昔

卷六

七

嬌小時知識開未早父出聊園詞命讀誇腴藻玩索甫一通冥冥驚獨造寢饋迴不忘疑義窮摛討方意聊園人無懷葛天老倏爾錫佳章恍視南山皓呼婢起挑鐙展卷卽傾倒如倒三峽泉剗訇騰瀚灝如紛五色絲燦然光垂纒有時炎炎言舌咋形都槁有時喁喁語平易等翁媪字字耐咀嚼似蚌珠出腦篇什采風多均有關世道豈獨壓元白千人筆端掃勒諸金石中那辨白與阜尤愛昭如先生妹賢情懷寄遺稟苦節堅且貞胡不壽而夭或者厭塵凡題詩赴瑤島才人歸華鬢天心詎草草一門萃殊尤含笑問蒼昊儻許執一經如何恆襟抱



聞說著作多層出付梨棗全豹惜未窺喜極翻懊惱願  
悉助推敲珍重逾鴻寶我初學吟哦弩末冀穿縞鸞鳩  
舞桑榆自忘情芥芥先生網羅宏當不別媿好行將適  
劍南省親故也務觀同參考買絲一繡之定卜康強保詩星  
卽壽星五雲深處禱回籍閨英中有此大才亟登之以  
示眾閨秀又詠傀儡云態度翩翩瘦莫支機關轉動慣  
推移頻來有迹人爭覩條散無蹤鬼不知月夕花晨勞  
躑躅風鬟霧鬢暫追隨平城解脫君王戶線索牽牽婦  
女嬉簾云編就輕筠巧足誇房櫳深邃暮雲遮銀鉤下  
處纖垂地玉燕飛來誤撲紗最好波翻三徑月常宜鏡

卷六

八

映一叢花日長風定閒庭靜香篆茶煙裊裊斜蟬琴云  
讀罷芸編萬慮清綠陰風送一蟬鳴悠揚入耳翻新調  
誤作焦桐是此聲蛙鼓云聒耳蛙聲處處同綠莎碧草  
畫難工而今樂府添新樣笑爾癡庸在井中觀棋云書  
長偷得繡餘工移局花叢趁午風取次漫敲松子落笑  
他兒女判雌雄价侯自言其室馬詠裳女史往來滇蜀  
有詩百餘首惜吝不出示未若畫之易求也

知綿竹縣事涇陽伍公介康寄示縣中副貢生唐玉仙

醇輔

繼室廖麗卿女史

雲霞

靜香閣焚餘集詩鈔本二

卷命爲製序且加甄錄並稱其家小康伉儷均好施予



近如重修南軒祠及助遷善勸工所經費人尤賢之玉  
仙欲建清道場河橋不果感憤卒族人上女史助振功  
詔封二品行善獲福非徒事謳吟者比也爲錄其病  
中云病裏生涯事事疏惟多愁緒未能除鵲唳易破三  
更夢體憊難看一卷書寢廢餐忘頻展轉香消玉滅可  
何如岐黃妙術終須效仍舊身安始復初題仙女乘鸞  
圖云誰寫仙真人畫圖飄然輕舉儼麻姑幾回笑向丹  
靑語欲跨飛鸞許借無春暮云佳景溶溶最易過爲憐  
春去費蹉跎侍兒也解風光好笑指園亭花放多

六卷刊就而郭价侯自芝川釐局寄其室馬韻裳女史

卷六

九

淑媛

慕陸軒繡餘吟橐鈔本至詩百餘首亟錄尤雅者

卷末劬山道中遇雨云滿目山田一望平寒煙漠漠送  
車行雨聲也似離人淚亂捲飛花徧客程途中早發云  
曉月纔低露尙滋怱怱還說上車遲回思昔日湘簾下  
猶是晨妝未起時春閨卽事云依依瘦影鏡猶憐長受  
藥香一縷煙病起爲防風拂袂繡簾隔過賣花天丙申  
春暮隨母赴家大人任行有日矣金閨諸友索畫紛紛  
感觸離情拈筆賦此云無奈閨朋怕久離各攜春扇索  
花枝笑儂活畫書生態盈卷行囊半是詩途次江底卽  
景云白雲如幙覆還開鳥語偏多雨後催正是欲吟吟



未穩一峯忽地送青來丁酉仲冬送价侯北上

錄一云

纔洗京塵話遠遊又披風雪渡蘆溝橋煙柳吳江月  
盡被詩囊一例收橫空雁字幾行斜霜老楓林集暮鴉

一自故園同折柳三冬車馬負梅花寄外夔門云叢菊

香披露漸凝巫山巫峽思頻增韶雅興今成讖幼喜讀秋

興八一樣羈愁效杜陵途中寄外代書云離情一縷亂

絲紛紛促江魚早報君壓擔半肩無別物祇攜劍閣故

鄉雲題慈烏反哺圖云子母爲新喜在林思摹反哺媿

難禁能供甘旨原非孝其柰端難似此禽自題小照寄

呈慈母錄二云碧雲澹抹雁橫天學步兒初立錦氍乞得

卷六

秦西傳影法攜歸權當小團圓歡呼如畫我歸來亂捲  
湘簾想眾孩從此慈幃舒遠念晨昏長得影追陪初度

錄二云垂髻時始學攻書開鬪眉峯柳不如記得衙齋臨

此日番新髻子要娘梳愁病多兼俗務縈衰釵誤我百

無成休嗤瘦骨峻嶒甚自是梅花生日生聞母病獨返

成都至畫眉關寄价侯五絕二首云春秋景物催山色

依然好來去畫眉人韶華道中老自別張郎筆螺痕滅

舊彎怕開明鏡看悴憔悴不如山劍南道中云囊攜劍南

詩偏走劍南道來去總怱怱山靈應笑倒晚香玉云關

干西角兩三枝雅韻臨風淡到詩玉骨惟憑清露洗冰



姿未許夕陽窺花如吹雪偏宜暑月爲留香故上遲一  
種幽芳誰髣髴佳人臨鏡晚妝時馬雲帆云從妹隨吾  
健庵叔父宦多歷雲南州府故所繪花鳥獨得雄厚氣  
弗與他閩秀筆墨同顧其體弱不勝衣殊於腕下不類  
老樵今讀其橐又復秀潤絕俗同籍中似此不櫛進士  
洵峩眉錦江靈秀鍾毓而成非易易也

女史橐末有寄老樵六絕句備錄於此云頻負敲門索  
橐心敢云惜墨竟如金祇緣筆少驚人句怕共閩英說  
解吟瘴雨蠻煙一蓋棺誰悲兒女各單寒六年無限炎  
涼鑒幾度臨池下筆難連年詩思減關河雨雨風風取

卷六

十一

次過縱授生花新彩筆不平鳴定橐中多丹黃粉墨獨  
吳綾濃淡無奇敢自矜何幸數枝梅與菊聊圍收入價  
都增樵說女史前寫贈子梅鶴巨幅菊酒紈扇吟篇撥到女兒鄉詠絮才難  
媿謝娘笑我塗鴉雙兔穎先生也自入詩囊名香一炷  
讀詩緣盡日愁消畫閣閒從此蛾眉爭問字聊園今卽  
昔隨園

子婿涇縣洪寅均亮梓行



右編六卷梓氏告成賦七絕句寄

均亮時渠差次武昌予則蜷伏成都西玉龍街同福巷

聊園太歲在丙午

光緒三十二年春正月十八日夜二鼓細雨昕宵閒作

農人待澤正殷蜀西老樵並識

吾家逸少坦東牀佳話流傳徧婿鄉偏我暗中能摸索

相攸翻笑昔人忙樵聞均亮才賢孤露旅食電局  
三千里外馳書訂約字以長女

五十聊吟自壽詩乘龍客至恰逢時我歸君去爲關吏

周甲年華電影馳甲午秋季均亮自  
成都來韓城就婚

作序空勞趙秉文均亮宛同鄉趙質洲爲樵夫婦作  
六十壽言甚佳去春趙歿于長安錦

卷六

三

屏遲製枉殷勤癡心未忍藏人善收拾遺珠勉屬君

詩緣樵說兩鑄成合訂難期例較精未死日祈人不死

藉他梨棗冀長生中有已故及無力  
不知名人之作

移筵助振世非無抔集頻煩況老夫十幅費爲羣士計

破君清俸等吹枯

婉戀閨英韻事諸摻羅幾輩逮衰釵一編列女貽妝閣

定卜生兒母教佳第六卷皆閨秀詩  
均亮夏秋將舉子

案頭紙墨合全封歲月明知不我容再強比人排須福

壽恐君虛祝丈人峯



十行五十四册

